

Malaika Wananiandaa kwa Ajili ya Umilele

Tazama, mimi namtuma malaika aende mbele yako, ili akulinde njiani na kukupeleka mpaka mahali pale nilipokutengezea—**Kutoka 23:20.**

Mbingu yote inashughulika katika kazi ya kuwaandaa watu ili kusimama katika siku ya maandalio ya Bwana. Uhusiano wa mbingu na dunia unaonekana kuwa wa karibu mno....

Viumbe wa mbinguni wanangoja kwa bidii na subira ili kuwaelimisha mawakala wa kibinadamu, ili wawe watenda kazi pamoja na hawa malaika wa mbinguni katika kumwasilisha Yesu—Mkombozi wa ulimwengu, aliyejaa neema na kweli....

Chozi la kwanza la toba kwa ajili ya dhambi huleta furaha miongoni mwa malaika wa mbinguni katika nyua za mbinguni. Wajumbe wa mbinguni wako tayari kupaa kwa haraka ili kuihudumia nafsi inayomtafuta Yesu....

Mungu ameandaa mambo makuu na yaliyotukuka kwa ajili ya wale wampendao Yeye. Malaika wanangojea kwa shauku kubwa ushindi wa mwisho wa watu wa Mungu, wakati maserafi na makerubi na “elfu kumi mara elfu kumi, na maelfu ya maelfu” wataimba nyimbo za waliobarikiwa na kusherehekea ushindi wa mafanikio ya upatanisho katika kurejeshwa kwa mwanadamu.

Yesu alihesabu gharama ya wokovu wa kila mwana na binti wa Adamu. Alitoa namna nyingi ambazo, kama wangetii masharti, hakuna mwenye sababu ya kuangamia, bali waweze kupata uzima wa milele.... Kila malaika wa mbinguni anafanya kazi kama wakala Wake ili kumvuta mwanadamu kwa Mungu.

Malaika wa utukufu wanafurahia katika ... kutoa upendo na ulinzi usio kikomo kwa watu walioanguka na wasio watakatifu. Viumbe wa mbinguni huiibembeleza mioyo ya wanadamu; wanaleta katika ulimwengu huu wenye giza nuru kutoka katika nyua za mbinguni; kwa huduma tulivu na ya uvumilivu wanazigusa roho za wanadamu, ili kuwaleta waliopotea katika kuwa na ushirika na Yesu ambao ni wa karibu mno kuliko vile ambavyo wanaweza kuelewa.